

興國州志卷之十

祀典志

壇廟

赫赫神明必有棲止之區今取壇廟之已登祀典者考其興修始末錄之於前至祀典未載而州中舊有廟祀者此史記所謂遠方祠宇民各自奉祀不領於天子之祝官者也亦附錄於後

社稷壇古志近福聖寺

神祇壇州大西門外有山川壇按祀典中祀雲雨風雷左祀本境

興國州志

卷十 壇廟

一

山川右祀本州城隍舊名山川壇嘉慶十六年奉部文更正

曰神祇壇

先農壇雍正五年 詔郡縣建先農壇祀先農知州黃澄卽厲

壇西北買獅子菴僧地一畝水田七斗築壇建廟一重兩楹

兩廂周以牆置倉

聖廟

詳學校志

崇聖祠

今改置學宮內

鄉賢祠

名宦祠

忠義孝弟祠

節孝祠在學宮右側

關帝廟

古志富川門外右臂明萬曆十八年知州黃如金感夢

移祀下雉門內北街咸豐三年燬於粵逆同治元年重建  
一在蟠龍山與學宮毗連州城上五甲建燬於粵逆同治五  
年重建正殿十二年續修成功現爲  
行禮於此

文昌閣先在小東門外城隍廟左歲久圯壞同治五年改建於小

西門內富川書院左間壁光緒七年復移建故處

城隍廟古志云富川門右有堂有亭有東西序有重門今考廟

中碑記云明嘉靖間有州人宋御趙崇俊等修萬曆二十二

興國州志

卷十 壇廟

二

年州紳吳國典提修一次崇禎二年州人俞堯儀等重建拜  
亭

國朝順治十一年耆民鄒京望等提修正殿康熙三年重修一次

道光十六年重修一次至咸豐五年燬於土匪九年合州重

建同治六年續修成功

厲壇在北關外通眞觀前

龍神廟在州署左一在上武廟右

今移富川書院左

保康廟在大西門外里許咸豐丙辰年州患蝗徧地生子次春  
州人士設局收蝻子按觔給錢咸豐十年州紳陳光亨因於

福聖寺廢址改建此廟祀劉猛將軍蝗患乃息次年卽燬於  
賊同治元年復建一如舊制

以上俱見祀典

太歲廟在賈家橋以上北街

馬王廟在大南門內

江山廟在大南門內祀明韓成

岳忠武廟在山川壇巷內又有神像在太尉廟內咸豐三年正  
殿燬於賊移祀於後

太尉廟在大西門內

興國州志

卷十 壇廟

三

藥王廟在太尉廟右祀韋慈藏

宣明宮一在小南門內一在富川樓西

閩中王廟在大西門外

平浪王廟在大東門外蔡家徑

張睢陽祠在小西門外臨河塌於水移祀上武廟側

三賢祠在疊山祠側祀宋蘇東坡黃山谷王梅溪祠久圯今遷

主疊山祠內

按東坡梅溪二公曾至興國至山谷先生未過  
州境不知何以與二公並祀也

惠澤龍王廟在州東南三十里地名西湖

昭勇祠在富池俗稱吳王廟宋政和二年祀吳將軍甘寯

王質

有記

呂蒙廟在州北十里雙港地方按三國志呂蒙傳孫權以尋陽  
此歟陽新為蒙奉邑州境立廟或由

東山五侯廟在州南東山巔

高山廟在州北六十里永章里土名大王殿舊志祀吳孫策今  
祀孫權

陸宣公祠在州南四十里劉漣市陸贄使外郡過此奏免本邑  
酒稅民立祠祀之

痘母祠同治十年建於文昌閣故址光緒七年移建四官殿左

興國州志

卷十 壇廟

四

間壁

屈子祠在富川門外被水淹塌同治間附近士民重修

臯陶廟在吏目署側按後漢書范滂傳滂入獄獄吏請祭臯陶  
滂曰臯陶聖人必知吾枉如其有知當訴於帝如其無知祭  
之何益可見漢朝獄中卽有此祠也

蕭曹廟

蒲圻廟 均在州署儀門內

三公祠 在關聖祠後

四官殿在富川門右南糧倉之南前明稱三官殿三國志劉焉

傳註所謂天地水三官也吳國倫有記 國朝嘉慶間增入  
火官因名四官殿

張公祠在福聖寺後久廢張公名輝祖今與椿公齡同祀于保  
康廟左因名張椿二公祠

李剛介公祠在富池吳王廟右光緒四年建李公名棟安徽宣  
城人由荆門直隸州保升知府補用率師擊賊屢立戰功迨  
咸豐三年防剿田家鎮連捷四戰九月初十日渡江迎擊乘  
勝進追至興國富池口賊衆四面圍合後援莫繼遂至陣亡  
事聞奉

興國州志

卷十 壇廟

五

旨從優議卹

加贈道銜並建立專祠

東嶽廟在西門外三里咸豐三年毀於兵光緒四年參將熊朝  
鑑同州紳王鳳池集捐重建

祠祀

壇廟祀典

昭代特隆羣臣百姓不能徧見而盡識之於是各以其俗因陋就簡議禮之家或以病焉今取一州之應列祠祀而詳於

大清會典諸書者恭錄其要庶行者知所遵循聞者有所觀感云  
社稷壇

歲以春秋仲月上戊日致祭前期二日承祭陪祭執事各官各致齋於公廡祭之日設

州社稷神案於壇上正中北向陳鉶二羹簠二黍簋二稻籩四形鹽

興國州志

卷十 祠祀

六

棗栗豆四韭菹鹿醢醢案前設俎陳羊一豕一又前設香案一陳

祝文香盤鑪鐙左設一案東向陳筐一實帛二尊一爵六又

設福胙於尊爵之次設洗於階下之東當階為主祭官拜位

其後為陪祭官拜位文東武西雞初鳴主祭官以下朝服咸

集黎明引贊二人引主祭官入至盥洗所盥洗通贊贊執事

者各司其事贊就位引贊引主祭官引班引陪祭官咸就位

立贊迎神引主祭官升詣香案前跪司香跪奉香主祭官三

上香興贊復位引主祭官降階復位立贊跪叩興主祭官暨

陪祭官行三跪九叩禮贊初獻引主祭官升詣

神位前跪司帛捧篚進獻奠於案司爵捧爵進獻奠正中皆退贊  
讀祝引主祭官詣香案前跪陪祭官皆跪司祝三叩興奉祝  
文跪於右讀畢叩如初興以祝文復於案退贊叩興主祭官  
暨陪祭官三叩興贊復位引主祭官降階復位立贊亞獻引  
主祭官升詣

神位前獻爵於左贊終獻獻爵於右均如初獻儀贊賜福胙引主  
祭官升詣香案前跪司爵跪進福酒於右主祭官受爵拱舉  
司爵接爵興司饌跪進豆肉於左主祭官受豆拱舉司饌接  
豆興各退贊叩興主祭官三叩興贊復位引主祭官復位立  
贊送神贊跪叩興主祭官暨陪祭官行三跪九叩禮贊徹饌  
執事官徹饌贊瘞祝帛執事官奉祝次香次帛次饌詣瘞所  
禮畢各退

祝文惟

神奠安九土粒食萬邦分五色以表封圻育三農而蕃稼穡恭承  
守土肅展明禋時屆仲春秋敬修祀事庶丸九松柏鞏磐石於  
無疆翼翼黍苗佐神倉於不匱尚饗

先農壇

歲以仲春亥日致祭祭日主祭陪祭執事各官設

先農神案於壇正中南向祭品帛一羊一豕一鉶一簠二簋二籩  
四豆四儀節與祭

社稷壇同祭畢各官更蟒衣詣耜田行耕耜禮印官秉耒佐雜捧  
青箱播種各九推農夫終畝耕畢更朝衣望

闕行三跪九叩禮以耕耜日期具報

祝文惟

神肇興稼穡立我烝民頌思文之德克配彼天念率育之功陳常  
時夏茲當東作咸服先疇洪惟

九五之尊歲奉

興國州志

卷十 祠祀

八

三推之典恭膺守土敢忘勞民謹奉彝章聿修祀事惟願五風十  
雨嘉祥恒沐於神庥庶幾九穗雙岐上瑞頻書於大有尚

饗

神祇壇

常祀

雩祀

祈祀

報祀

常祀

歲以春秋仲月諏吉致祭設案一於壇正中南向

雲雨風雷神位居中境內

山川神位居左

城隍神位居右祭品帛七鉶 羊一豕一簠簋各二籩豆各四



禮節並如祭

社稷壇

祝文惟

神贊襄天澤福佑蒼黎佐靈化以流行生成永賴乘氣機而鼓盪  
溫肅攸宜磅礴高深長保安貞之吉憑依鞏固實資捍禦之  
功幸民俗之殷盈仰

神明之庇護恭修歲祀正值良辰敬潔豆籩祇陳牲幣尚饗

雩祀

歲孟夏後諏吉雩祭陳設儀注同前通禮

興國州志 卷十 祠祀

九

祈祀

若間不雨及潦諏宜祀之辰具祝文隨時擬撰備牲牢籩豆香帛

尊爵鑪鐙守土大吏率屬素服祈禱為民請命行禮儀節與

常祀同通禮

報祀

既應而報陳設供具朝服行報祀禮儀節均與祈祀同通禮

先師廟舊志載奉祀生孔興祿  
係孔聖六十六代裔孫

歲以春秋仲月上丁日釋奠於

先師孔子長官正獻兩序以其貳及所屬兩廡以食餼學弟子員

各一人分獻

崇聖祠學正正獻兩序訓導分獻兩廡皆食餼學弟子員各一

人分獻 欽定禮部則例

陳設器數

先師位前帛一牛一羊一豕一登一鉶二簠簋各二籩豆各十尊  
一爵三鑪一鐙二四配各帛一羊一豕一鉶二簠簋各二籩  
豆各八爵三鑪一鐙二東西各尊一十二哲各帛一鉶一簠  
簋各一籩豆各四爵三東西各羊一豕一尊一鑪一鐙二兩  
廡二位共一案每位爵一每案簠簋各一籩豆各四東西各  
具

興國州志

卷十 祠祀

十

羊三豕三尊三統設香案二每案帛一爵三鑪一鐙二牲載  
於俎帛正位四配異篚十二哲東西共篚尊實酒疏布冪勺

崇聖祠正位前各帛一羊一豕一鉶一簠簋各二籩豆各八爵  
三尊一鑪一鐙二四配各帛一簠簋各一籩豆各四爵三東  
西各羊一豕一尊一鑪一鐙二兩廡東二案西一案均簠簋  
各一籩豆各四每位爵一東西各帛一羊一豕一尊一鑪一

鐙二俎篚冪勺具 大清會典

設洗於階東設樂舞於殿外兩階金編鐘在東玉編磬在西

皆十有六應鼓一柷一敔一麾一琴六瑟四簫六篴六篪四排簫二塤二笙六搏拊二旌二羽籥三十有六

崇聖祠禮儀節

與大成殿同惟無歌舞

大成殿行禮儀節

祭之前一日有司飭廟戶潔埽殿廡內外視宰官公服詣神厨視宰正獻官率各官及執事生入學習儀教官率樂舞生入學習舞習吹樂用六佾祭日五鼓陳牲帛齋盛省視如儀正獻分獻官入廟將事禮部則例起鼓三次引獻官至臺下立樂舞生就位執事者各司其事分獻官陪祀官各就位正獻官

興國州志

卷十 祠祀

十一

就位瘞毛血迎神樂奏昭平之章行三跪九叩頭禮奠帛行初獻禮樂奏宣平之章引承祭官詣盥洗畢詣酒尊所司尊者舉冪酌酒引詣

先師位前上香奠帛獻爵三叩首興讀祝跪衆官皆跪讀畢承祭官衆官俱三叩首興贊詣四配位前上香奠帛獻爵一拜興復位行分獻禮引分獻官詣東哲西哲東廡西廡神位前俱如承祭官禮儀俱復位行亞獻禮樂奏秩平之章贊升壇獻爵如初獻儀畢復位分獻官各復位行終獻禮樂奏叙平之章贊升壇獻爵如亞獻儀畢承祭官分獻官各復位贊飲福

受胙贊詣飲福位跪贊飲醴受福胙叩首興復位謝福胙承  
祭官衆官俱行一跪三叩頭禮贊徹饌樂奏懿平之章樂止  
送神樂奏德平之章行三跪九叩頭禮贊讀祝者捧祝司帛  
者捧帛司饌者舉饌詣瘞所望瘞詣望瘞位焚祝帛瘞饌豆  
復位樂止禮畢

祝文惟

先師德隆千聖道冠百王揭日月以常行自生民所未有屬

文教昌明之會正禮和樂節之時辟雍鐘鼓咸恪薦於馨香泮水

膠庠益致嚴於籩豆茲當仲春秋敬修祀事以

興國州志

卷十 祠祀

十二

復聖顏子

宗聖曾子

述聖子思子

亞聖孟子配尚 享

樂章

春秋祭樂章南呂爲宮仲呂起調  
夾鐘爲宮倍應鐘起調

昭平之章

大哉

孔子先覺先知與天地參萬世之師祥徵麟紱韻答金絲日月既

揭乾坤清夷

宣平之章

予懷明德玉振金聲生民未有展也大成俎豆千古春秋上  
丁清酒既載其香始升

秩平之章

式禮莫愆升堂再獻響協鼗鏞誠孚壘甌肅肅雝雝譽髦斯  
彥禮陶樂淑相觀而善

叙平之章

自古在昔先民有作皮弁祭菜於論思樂惟

天牖民惟

興國州志

卷十 祠祀

十三

聖時若彝倫攸叙至今木鐸

懿平之章

先師有言祭則受福四海鬻官疇敢不肅禮成告徹毋疏毋瀆樂  
所自生中原有菽

德平之章

鳧繹峩峩洙泗洋洋景行行止流澤無疆聿昭祀事祀事孔  
明化我烝民育我膠庠

崇聖祠祝文惟

王奕葉鍾祥光開聖緒盛德貽後積久彌昌凡聲教所覃敷率循

源而溯本宜肅明禋之典用申守土之忱茲當仲春秋敬修祀  
事以一先賢孔氏孟皮顏氏曾氏孔氏孟孫氏配尚饗  
名宦祠

丁祭畢教官詣祠行禮唱贊就位上香迎神跪奠帛三獻爵  
讀祝三叩首興送神禮畢

陳設爵三簠簋各一籩豆各二羊豕各一鐙二鑪一尊一香  
盤一帛一陳祝文於案右

祝文

卓哉羣公懋修厥職澤被生靈功垂社稷今值仲春秋謹以牲

興國州志

卷十 祠祀

十四

帛醴齊用仲明薦尚饗

鄉賢祠

丁祭畢教官詣祠致祭禮儀陳設均與名宦祠同

祝文

於惟羣公孕秀茲邦懿德卓行奕世流芳今值仲春秋謹以牲

帛醴齊用仲明薦尚饗

忠義孝弟祠

丁祭後二日地方官詣祠致祭禮儀與名宦祠同

陳設飯一盂饌五器饅頭二盤餘與名宦祠同

祝文惟

靈秉賦貞純躬行篤實忠誠奮發貫金石而不渝義問昭宣表  
鄉閭而共式祇事懋彝倫之大性摯莪蒿克恭念天顯之親  
情殷棣萼楷模咸推乎懿德

恩綸特闡其幽光祠宇維隆歲時式祀用陳尊簋來格几筵尚  
饗

節孝祠

春秋丁祭後二日地方官詣祠行禮陳設儀注與名宦祠同  
祝文惟

興國州志

卷十 祠祀

十五

靈純心皎潔令德柔嘉矢志完貞全閩中之亮節竭誠致敬彰  
閩內之芳型茹冰蘖而彌堅清操自勵奉槃匱而匪懈篤孝  
傳徽

絲綸特沛乎

殊恩祠宇昭垂於令典祇循歲祀式薦尊醪尚 饗

關帝廟

咸豐四年奉

旨勅封

關聖帝君升入中祀並

加封三代王爵每歲春秋仲月諏吉致祭祭品牛一羊一豕一籩  
豆各十主祭官行三跪九叩禮後殿祭品不用牛籩豆各八  
行二跪六叩禮其五月十三日致祭不設籩豆用果實五盤  
後殿同

祝文惟

帝星日英靈乾坤正氣允文允武紹聖學於千秋至大至剛顯神  
威於六合仰聲靈之赫濯崇典禮於馨香茲當仲春用昭時  
饗惟祈

昭格克鑒精虔尚饗

興國州志

卷十 祠祀

十六

五月十三日祝文惟

帝九宇承庥兩儀合撰崧生嶽降溯誕聖之靈辰日午天中屆恢  
台之令序聰明正直壹者也千秋徵肸饗之隆盛德大業至  
矣哉六幕肅馨香之薦爰循懋典式展明禋苾芬時陳精誠

鑒格尚饗

樂章 春祭夾鐘均清倍應鐘起調  
秋祭南呂均清仲呂起調

格平之章 迎神

懿鑠兮焜煌

神威靈兮赫八方偉烈昭兮累禩祀事明兮永長達精誠兮黍



稷馨香儼如在兮洋洋

翊平之章 初獻

英風颯兮

神格思紛綺蓋兮龍旗鬩桂醕兮盈卮香始升兮明粲惟降鑒  
兮在茲流景祚兮翊昌時

恢平之章 亞獻

觴再酌兮告虔舞干戚兮合宮懸歆苾芬兮潔蠲扇巍顯翼  
兮

神功宣

興國州志

卷十 祠祀

十七

靖平之章 終獻

鬱鬯兮三申羅籩簋兮畢陳儀卒度兮肅明禋

神降福兮宜民宜人

彝平之章 徹饌

物惟備兮咸有明德惟馨兮

神其受告徹兮禮終罔咎佑我家邦兮孔厚

康平之章 送神

幢葆葳蕤兮

神聿歸馭鳳軫兮驂虬駢降烟溫兮餘飶馐願回靈盼兮德洽

明威

康平之章 望燎

焄蒿烈兮燎有輝

神光遙爚兮祥雲霏祭受福兮茂典無違庶揚駿烈兮永奠

畿

後殿祭

光昭王

裕昌王

成忠王祝文惟

興國州志

卷十 祠祀

十八

王世澤貽庥靈源積慶德能昌後篤生神武之英善則歸親宜享

尊榮之報列上公之封爵

錫命優隆合三世以肇禋

典章明備恭逢諏吉祇事薦馨尚 享

又五月十三日祝文惟

王迪德承家累仁昌後崧生嶽降識毓聖之有基本本水源宜

恩之及遠封爵特超於五等馨香永薦於千秋際仲夏之屆

時命禮官而將事惟祈

昭格鑒此精虔尚 饗

文昌廟

咸豐四年奉

旨文昌帝君升祔中祀春秋二仲諷吉致祭及二月初三日 聖

誕致祭一切禮節與 武廟同並

頒發祝文樂章

春秋二仲祝文惟

神道闡苞符性敦孝友並行並育德侔天地以同流乃聖乃神

教炳日月而大顯仰鑒觀之有赫示明德之維馨茲當仲春秋

用昭時享惟祈

興國州志 卷十 祠祀

十九

歆格克鑒精誠尚 饗

二月初三日

惟

神功參橐籥撰合乾坤溯誕降之靈辰三台紀瑞度中和之令

節九宇承輝若日月之有光明闡大文於孝友如天地無不

覆載感至治於馨香爰舉上儀敬陳芳薦精禋罔斃

神鑒式臨尚 饗

樂章 春秋祭南呂清均仲呂起調

不平之章 迎神

秉氣兮靈躔翊文運兮赫中天蜺旌兮戾止雕俎兮告虔迓  
神庥兮於萬斯年

俶平之章 初獻

神之來兮籩簋式陳

神之格兮几筵式親極昭彰兮靈貺致蠲潔兮明禋升香兮伊  
始居歆兮佑我人民

煥平之章 亞獻

再酌兮瑤觴燦爛兮庭燎之光申虔禱兮

神座儼陟降兮

興國州志

卷十 祠祀

二十

帝旁粢醴潔兮齋遯將綏景運兮靈長

煜平之章 終獻

禮成三獻兮樂奏三終覃敷元化兮絜

神功馨香達兮肸鬻通歆明德兮寅衷

懿平之章 徹饌

備物兮惟時告徹兮終禮儀

神悅懌兮鑒在茲垂鴻佑兮累洽重熙

蔚平之章 送神

雲駢駕兮風旗招

神之歸兮天路遙瞻翠葆兮企丹霄願迴靈眷兮福我朝

蔚平之章 望燎

烟煴降兮元氣和

神光燭兮梓潼之阿化成耆定兮橐弓戢戈文治光兮受福則  
那

先代祝文

教貽式穀垂抑邪扶正之規禮重升馨著崇德報功之典載  
稽譜牒祇肅苾芬惟

文昌帝君學裕本原道參位育緬馨香之至治久極尊崇申報享

興國州志

卷十 祠祀

二十一

之隆文宜昭誠敬聿升中祀式舉上儀於戲德迪前光十七  
世仁風普洽慶餘積善億萬年文運長新敬布明裡尚祈

昭鑒尚 饗

又二月初三日祝文惟

文昌帝君道備中和神超亭毒稟貽謀而允紹欽毓聖之有基雲  
漢昭回際嶽降崧生之會馨香感格興水源木本之思式肇  
明裡用光爨典尚祈

神鑒享此清芬尚 饗

厲壇

每歲清明日七月望十月朔祭無祀鬼神於城北郊前期守土  
官飭所司具香燭公服詣

神祇壇以祭厲告本境

城隍之神上香跪三叩興退至日所司陳羊三豕三米飯三石  
尊酒楮帛於祭所設燎鑪於壇南黎明禮生奉請

城隍神位入壇設於正中香案一鑪鐙具贊禮生二人引守土  
官公服詣

神位前贊跪守土官跪贊上香守土官三上香贊叩與守土官  
三叩興退執事者焚楮帛守土官詣燎鑪前祭酒三爵退禮

興國州志

卷十 祠祀

二十二

生仍奉

城隍神位還

神祇壇退

祝文

幽明殊路土守維均人鬼分途食求豈異維聰明正直而壹  
有以作之鑒觀庶焄蒿悽愴之情無不極其情狀爰遵定制  
聿舉明禋凡斯無祀之魂俱屬有生之類爲男爲女姓莫紀  
於宮商是故是新代何稽於子丑號風嘯雨親旣絕於依葭  
附草棲烟餒幾同乎有葛謹設壇於北郭仰主祭於

尊神惟茲

元烟焚中  
衣烟元

之節敬備牲醴肅具飯羹統一境之幽魂索羣  
靈而大享鬼言歸也庶幾望壇壝以知歸神之格思尚其鑒  
馨香而來格尚 饗

保康廟

元劉永忠爲指揮使元亡自沈於河神能驅蝗世稱劉猛將  
軍

國朝雍正二年總督李維鈞以劉猛將軍靈蹟顯著奏請所在官  
司秩祀以春秋戊日得

旨允行咸豐七年七月奉

興國州志

卷十 祠祀

二十三

上諭劉猛將軍驅蝗正神着禮部議加增致敬

硃筆加封保康二字八年

御書嘉穀蒙庥四字頒直省製額恭懸每歲春秋守土官諏吉致

祭屆期守土官具祝文

臨時撰擬

簋簋各一籩豆各四羊豕各一

鑪一鐙二筐一

實帛一  
白色

香盤一尊一爵三陳設廟內質明守

土官公服入廟行二跪六叩首禮

龍神廟

雍正二年

勅封四海龍王之神東曰顯仁南曰昭明西曰正恒北曰崇禮五

年分送各直省

龍王神像建廟奉祀乾隆二十四年貴州巡撫周人驥請定外省

龍王祠祭祀日期經禮部議覆照在京致祭

龍神祠於春秋仲月辰日致祭

陳設祝版一帛一白白瓷爵三簠簋各二籩豆各十羊一豕  
一鐙二鑪一尊一香盤一

儀注與 關廟同

祝文惟

興國州志

卷十 祠祀

二十四

神德洋寰海澤潤蒼生允襄水土之平經流順軌廣濟泉源之  
用膏雨及時績奏安瀾占大川之利涉功資育物欣庶類之  
蕃昌仰藉

神庥宜隆報享謹遵祀典恪按良辰敬布几筵肅陳牲幣尚  
饗